

晚

晴

移

詩

匯

晚晴移詩匯卷一百二十一目錄

郭尙先

三首

唐鑑

入首

許乃濟

入首

吳慈鶴

四首

陳運鎮

一首

路德

九首

陳瑞球

四首

麟慶

入首

劉鴻翱

二首

張岳崧

四首

王家相

七首

黃安濤

六首

杜薇之

一首

齊彥槐

十首

李曾馥

一首

吳乙照

一首

王棻

二首

張應昌

二首

吳懋清

二首

沈濤

十一首

張心淵

四首

顧翰

九首

張深 六首

蔡聘珍 一首

孔昭焜 一首

陳均 一首

强溱 一首

鄭璜 四首

鄧顯鶴 五首

李福 二首

王毓麟 一首

顏斯總 三首

王懷孟 一首

厲同勳 六首

馮相芬 二首

晚晴移詩匯卷一百二十一

徐世昌

郭尙先字蘭石莆田人嘉慶己巳進士改庶吉士授編修官至禮部侍郎有增默庵詩遺集

詩話蘭石以文學官侍從奉使衡文號稱得士書畫兼擅其長染翰舒箋雍容華貴猶有康乾老宿風度  
題黃仲則集卽效其體

駱丞詞筆未登科長爪通眉顚顚多錦瑟春心迷斷夢銅笳霽吹入悲歌才難爲用應緣傲詩到能窮始不磨幾許宰官圖作佛圓成竟讓病維摩

拂水山莊

降表修成看陸沈仍希姓字附東林名山悵望中州集歧路徘徊上堵吟天火不容留宛委佛鐙可許懺威音青青

轉羨章臺柳  
攀石研丹見素心

容易

容易愁人唱惱公  
况兼紅酒謝荷筒  
連旬稱病辭今雨  
得句無題託古風  
歸燕依人如話別  
賓鴻學汝共書空  
平生最喜談秋興  
領略年時已不同

唐鑑字鏡海善化人嘉慶己巳進士改庶吉士授檢討

厯官江甯布政使太常寺卿諡確慎有詩文集

詩話鏡海潛研性道宗尚閩洛晚年致仕主講金陵  
文宗朝召赴闕下進對十五次以力陳衰老不強  
服官令還江南矜式多士其紀恩詩云若將書院同  
祠祿更與崇階作告身卽指此事稽古之榮徇一代  
所罕見也

秋夜

檻外露華盈垂簾氣獨清  
蟲聲吟四壁鐙火近三更  
編簡

有餘味鄉關無限情紙窗留月色老樹一枝橫

舟過崑山

雙橈乘激浪一葉趁輕風塔立斜陽外山移薄靄中鐘聲  
遙出寺樹影暮浮空勝地知多少登臨興未窮

過黃河

萬里安瀾日頻來喚渡時風驅征雁急雲逐片帆遲捧土  
原無術乘槎會有期中流思砥柱激濁更伊誰

粵西雜詩

湘江撼衡疑灘江走桂管二水本同源分之各異畛羣山  
鬱其間硤磳而嶮嶙或蹲如虎踞或伏如蚌蜃縣延二千  
里其勢不能盡五嶺起嵯峨清淑此中蘊聞有綠髮翁雲  
霞與深隱若往從之游蕭然脫塵坌可柰世間人不知反

其本

入九排至桐木墟

援聲嘯不住遠在半峰間嶺樹谿雲合村籬礪水環蠻煙  
通象郡夜雨入猺山一路逢田父提壺有笑顏

巢縣漫灘圍盆渡

盆高二尺圍丈餘數人環坐中心虛篙師持篙撐徐徐前  
仰後俯波中鳧平時積貯供倉儲此盆本是田家須茲逢  
大水盈溝渠沿山之下浸爲湖以盆當作中流壺我本砥  
礪希廉隅跼方爲圓觚不觚濟人無術胡爲乎依然一樣  
畫蘆葫今年奔走窮長塗先驅楚粵後齊吳竭來水滌舟  
楫無揭衣就渡雙趺有如鴟夷逃陶朱又如木罌斬龍  
目坳堂一芥差相殊冰牀水馬都不如何妨縮瑟同侪儒

蕩漾中央小似孟遷迤登岸理我裾欲挽河伯與之書毋  
使赤子化爲魚

襄陽

萬山西轉水環東南北關鍵一鎮雄司馬平吳由峴首卧  
龍扶漢起隆中賢豪本繫興王事耆舊猶傳隱者風自歎  
鬚眉太塵俗何從修敬訪龐公

廬州陷江中丞陣亡詩以哭之

中丞英爽一儒生三載披堅卓有聲正冀登壇推上將誰  
知授命死危城征南渾是春秋義蜀相長垂宇宙名欲問  
廬江消息渺幾回惆悵淚縱橫

許乃濟字作舟號青士錢塘人嘉慶己巳進士改庶吉  
士授編修歷官太常寺卿



詩話青士與其兄菊船榕皋弟玉年嶺生幼從學於  
戴九橋安詩葛秋生爲繪橫橋吟館圖以紀其事青  
士官給事時以政言見稱時鴉片禁方  
嚴青士獨疏請弛禁徵稅被旨切責

### 擬孟東野聞砧

新寒昨夜至戶戶傳哀砧秋風一萬里送入游子心不怨  
軍門笳不悲關塞笛如何枕戈者淚滿征衣滴  
寄書書不達寄衣衣欲裂誰將一片聲敲落千山月欲知  
聲中悲請看指上血血指猶可澣奈此雙鬢雪

### 題靈芬館圖

分湖湖水到門清短櫂移家有鶴迎偏解柔情爲兒女未  
妨傲骨見公卿能貧卽是詩人福下筆還妨後世名鐵笛  
紅樓沈醉處爲誰腸斷補新聲

### 琴鳴舊廬餞別頻伽兼山

頽雲沈沈障碧空雷車夜發轟殘冬雪花融液作苦雨萬  
感楂枒如亂峯入門把臂忽傾倒今日重逢郭有道如何  
便放湖邊舟識君苦遲別君早延陵公子翩然來相看身  
世俱塵埃下牀動足各萬里不如且盡尊中醕作歌贈君  
君已醉畫君窮途兩行淚悲歡聚散徒紛紛一笑明蟾夢  
中墜

將有嶺南之行琴隲諸君飲餞於理安寺松巔閣賦  
詩留別

春風欲白江上梅春波鼓楫江邊催故人笑指湖山好勸  
我且酌黃金壘停橈挈榼探幽壑殘雪峯峯聚銀鶴萬竿  
翠竹壓空亭百丈蚪松擁高閣倚閣長吟怯南望酒痕狼  
藉增惆悵枕椰煙冷鷓鴣嘯明日相思阻青嶂此閣此會

何時忘後約更待寒梅香圓蟾潛吐夜潮落江天揮手雲  
茫茫

夜

天闊星芒大風高月勢孤鐘聲敲未歇人影澹疑無西轉  
窺銀漢南飛感夜烏夫君渺何處流夢入江湖

偕友冒雪登江亭歸至春雲書屋小集

幾重煙樹萬人家回首蒼茫點暮鴉潑墨倒銜天四角飛  
花爭擁路三叉遙峯孤立癰如鶴古郭盤空曲似蛇快馬  
健兒今不見只餘蓑笠倚風斜

親向蓬山掣巨鼈扶歸笑指玉樓高箏琶繡帳圍春酒笳  
鼓邊城冷佩刀短夜悲歌憐綠鬢殘年愁思到青袍梅花  
消息餘香夢不賦閒情賦老饕

吳慈鶴字韻臬號巢松吳縣人嘉慶己巳進士改庶吉士授編修歷官侍講有岑華居士蘭鯨錄鳳巢山樵求是錄

南浦

章水平鋪碧玉流  
稀疎紅翠可憐秋  
勸君莫下銷魂浦  
三板輕船不載愁

多年葛帳綻裂以紙綴之戲賦

敝帷皺裂不須憎  
祕有麟膠欲自矜  
婦拆海圖供補未  
兒眠秋雨蹋穿曾  
長飢絮蝨生涯換  
易飽書魚食料增  
從此梅花通夢寐  
夜窗涼月浸層層

題從舅戴春溪孝廉

鼎恆

詩集

春溪於爲詩有險必深入  
青山驅而前碧海喝使立  
死紅

乾春叢病綠埽秋隰長鯨膾鸞肥雌鳳啄髓吸癡駸麗女  
鎖幽憂玉童繫月爲破鏡飛地已清淚溼嗚呼郊賀亡其  
朽君可執孤情鏟鴻濛大雅扛藥炭余生慕奇士善善徒  
汲汲常憫大法摧得君破憂悵虎豹必山居蛟龍必水蟄  
所貴養其用動闢恃靜翕六經乃高曾百氏資拱揖潢污  
無根原溟渤萬水集維南崇者山仰止跂可及期君樹宏  
達杜韓有梯級

舟中檢錄舊作感賦長句

少小詩才苦不縱束縛霜毫萬牛重有如工女立寒窗刻  
翦袞裳作鸞鳳雖然十指盡僵裂神物焉能爲我用十年  
學詩祇自慚那有一篇堪百諷一自明湖醉風雪復出從  
軍事鞍鞚青燐白骨皆眼見恨盡愁花亦心痛夜鐙草檄

百紙空曉月吹鐃萬夫閑玉貌歌來尙戰場金杯丐處均  
所從從此豪情風雨至倏忽高歌鬼神送流黃奪得九張  
機織出天衣盡無縫李杜韓蘇生不再袞袞羣兒空簸弄  
放翁詩訣已輕傳清鐘誰更敲秋夢

陳運鎮字中緯號其山孝感人嘉慶己巳進士官工部  
郎中有滄浪亭詩鈔

甯遠道中

高峯初射海瞰紅匹馬衝寒更向東萬里風來鵬背上三  
邊春盡雁聲中神京左輔山河壯帝里先疇樂利同迴首  
長城如戶限祖龍猶未是英雄

路德字閨生盤屋人嘉慶己巳進士改庶吉士授戶部  
主事有櫟花館集

詩話間生以道誼高鄉里名爲制藝所掩聞文介稱其懷抱峻潔遺棄榮利言學言理切近踏實教人以不外求不嗜利爲治心立身之本非尋常才士文人可同日語今觀其詩雅贍修潔不事塗澤而一種雄直之氣溢於楮墨所謂不求工而自工者

趙州

買絲爭繡佳公子頗謂平原能好士樓頭一笑紅顏摧食客紛紛來復來我言此事非人情如何浪得憐才名惡客一言九鼎重美人一死鴻毛輕君不見樂羊啜子甘如飴功成反使文侯疑又不見吳起殺妻爲求將母死不奔心早喪公子天下寡恩人可知好士情非眞賢者聞風定高蹈公等碌碌安足論吁嗟乎蹙者足笑者頭千秋恨事良悠悠我今獨酌中山酒不願將杯滴趙州

石河早發

膠膠喔喔荒雞鳴古壁塵昏懸短檠旅客未醒蝴蝶夢山  
村亂打蝦蟆更樹頭殘月墮無影衣上曉霜飛有聲薄酒  
三杯醉不得令人苦憶河陽城

陝郊

徧地峯巒鬱不平出關形勢莽崢嶸一條黃水塵沙色萬  
樹白楊風雨聲野店荒寒無客憩山田犂确有人耕犢車  
滿載斜陽過鐵鑄雙輪分外明

咸陽原上作

西風獵獵戰蒿萊畢郢原荒木葉摧曠野無邊單騎走長  
空忽嗅亂鴉來碧雲迢遞人千里訪姬杏農不遇青史功名土一  
抔漫把文章誇不朽百家書已變秦灰

重陽前三日作



秋深寒淺未聞霜籬菊無花野菊黃對酒便須拌一醉登高何必待重陽新來僮僕呼先到久別賓朋姓亦忘詩境自知多坦率題饒安敢笑劉郎

張忠烈公硯爲曹莪配少府作

涇渭東流似奔馬客到秦中訪秦瓦張公破硯出市中我

於長安市上得公遺研經年未售識者寡曹君一生耕硯田得如拱

璧珍拳拳道此本是故鄉物張公鄞人少二十四字蒼水

鐫硯有張公自題銘辭共二十四字銘曰投鼠支牀幾楚

人得弓意殊快無心相遇真天緣昔年義旗豎海上軍敗

烹龍志猶壯公兵敗遁入舟山即今定海舉舟師奉魯王

乃龍所化頃刻風雷大作各舟魯王已死唐王孱坐使孤

臣氣彫喪遯迹自擬螭身藏乘勢還思螳臂抗白蟻無聲

健兒入柳鑠香風吹習習

公至象山島中結茅屋後有大樹蓄白蟻其上凡有登岸者蟻

即鳴公得乘舟而逸當道者數年不能得公有舊卒爲普

陀僧者常至公所謁所熟識僧至不鳴官偵知之誘僧先

往而以兵隨

之遂被擒何人伏鑕尙從容笑看錢塘好山色錢塘江

上一抔土右鄰忠肅左忠武

公詩有日月雙懸于氏墓乾

葬公於于椒漿恨未醉忠魂手澤今朝快一撫國破安用

岳二墓間

身獨完此硯與人同膽肝趙璧拌教碎秦柱玉帶詎肯隨

黃冠滄桑變換二百載到今墨繡猶斑斕君不見虞山甘

作長樂老貳臣傳裏名難剗梅村祭酒號詩史惜哉所欠

惟一死張公大義心炳然玉碎終知勝瓦全此硯他年返

枌社士林佳話爭流傳雙松別墅好風日

之仙尉開軒布吟席錦軸新裝松雪書牙籤更檢子山集

野爲香山尉蓋厓時舊蹟少府

會須移向別牀攤莫近張公一片石

之

會須移向別牀攤莫近張公一片石

讀罷

綠蘚巖扉白晝扃  
略餐芝朮便延齡  
仙丹止合神仙用  
傳到人間便不靈

飲王小樓伴耕樓

觀稼最宜樓禦雨  
莫如瓦小樓  
豈區區時有清風灑花木  
紛四圍  
肯舍場師櫝耕讀  
課兒孫  
卽此是弓冶  
冬曝南榮前  
暑卧北窗下  
高朋時往還  
唱和殊不寡  
我生今倦游  
乘興亦聊且  
久悟蟲能蟲  
今知馬非馬  
感君移酒肴  
論詩進三雅  
後會當有緣  
付諸造物者

題郭藕船唐人善業泥拓本

何人佞佛鏤佛像  
坐令尺土開精藍  
面列三行字  
十二楷法  
頗似師河南  
吾鄉珍寶富  
山藪周秦舊物  
靡不有  
吉金

樂石難具詳，氈包駝載東南走。弇山尙書徧搜索，竟有遺珠沈未取。後來游者拾得之一朝，又入郭熙手。嵯峨雨過秋色佳，拓本示我雙眸指。三十六相但髣髴淨土幾歲遭，沈埋吳畫楊塑不可見。對此聊可開幽懷，昌黎闕佛諫迎骨。訂交方外忘形骸，文人好古足清玩。豈學蘇晉甘長齋，惜哉挫角字缺一鍊石。不用勞神媧，大唐二字恰連綴。斷壁湊泊同詩牌，玉卮無當世猶訾。得鼎折足占者止，人間缺陷長苦多。巧合安能盡如此，披冊忽然憶疇曩。慈恩塔下尋幽往，秦人熟視竟空還。吳客今來愜新賞，人失人得無叮咛。員穹方輿大且廣，太倉稷稻來吳閭。京師十載霑芳香，羅紈綺繡更精絕。西人之子紛盈箱，百貨雜沓不遷地。先聖何苦爲車航，老夫才盡句難警。歌詩不類慚東陽。

案頭笑指舊筆墨二物亦是南人將

陳瑞球字寶虞號韻石羅田人嘉慶己巳進士改庶吉

士官內閣中書有玉屏草堂詩集

詩話韻石與麟見亭同年嘗與魏簡笙王星槎張龍  
樹先後謁於邗江時見亭督南河攝兩江總督兼理  
鹽政韻石贈詩有云千里節兼三  
總制一朝觴集五同年爲時傳誦

懷弟九香

崎嶇江右日寂寞兩相看作宦風波險移家道路難晤時  
方漢水別後又長安聽得還鄉里蹉跎歲已闌

累汝拋書卷連年簿領中俗塵今已撲生計又全空畫策  
知良苦研詩可益工相期勤舊業努力在秋風

舟夜

月落沙汀早刺船蘆花擁被尙安眠喧聞雪浪重灘上夢

繞煙鐘古寺邊半載鳴雞疎問寢五更騎馬憶朝天江湖  
濡跡增頽放一聽烏嘯倍憬然

雨泊金陵

菰蒲淅淅雨聲麤畫出江天撥墨圖幾度推蓬望牛首六  
朝金粉已模糊

麟慶字伯餘號見亭滿洲旗人嘉慶己巳進士歷官南

河河道總督降授庫倫辦事大臣有凝香室詩集

詩話見亭幼承母教十餘齡卽嫻吟詠未冠成進士授中書旋自兵曹改坊局出爲監司擢河督河決坐左遷生平所涉歷事各爲記記必有圖題曰鴻雪因緣記中雜出詩篇時承平已久宦轍所經登臨抒寫皆和平雅正之音

觀百盈泉

潛流匯方竇山後通靈泉消長應百刻百盈名乃傳往昔

田山薑漏勺留遺篇言越竹林下險徑隨雲穿徙倚坐泉  
上俯視盤渦旋泉落石齒齒石沒泉涓涓循環有至理潮  
汐合自然題名滿石壁蘚蝕成雲煙惜哉祕巖阿利用難  
濟川

月下

飛來一片月挂在碧雲端大地函清氣空階積暮寒微風  
正蕭瑟孤影自團樂對此呼佳釀更深獨倚闌

春陰江行

鼓棹蕪湖去濃陰護遠天溜喧新雨後帆挂曉風前山氣  
蒸成霧江風蕩作煙漁家有春色桃柳倚門邊

雪巖

轉入靈巖境陰生十里松斷山叢樹補古寺亂雲封白挂

亭前瀑青抽雨後峯幽深少人跡溪午一聲鐘

憶西湖

迎薰閣外綠波肥十里荷香人未歸若許夢中身化蝶今宵應傍藕花飛

曾爲尋春試馬蹏蘇公隄接白公隄香山已去東坡老芳樹流鶯故故囀

贈北極閣醉琴道士

久事元君泰嶽巔漫來此地奉金仙曲中山水參琴趣壺裏乾坤得醉禪十里明湖澄檻外萬峯秋色落尊前道心岑寂塵心定話別長生一蹶然

靈光寺明翠微公主墓

前朝三百寺只剩大靈光野徑盤陀入巖花自在香墓碑



埋蟲履殿瓦墜駕鵞無限滄桑感空山下夕陽

劉鴻翱字次白濰縣人嘉慶己巳進士官至福建巡撫  
有太湖詩草

周敬修同年令懷遠致書問太湖政績賦以答之

萬仞青山圍畫城一湖波浪放船行地眞山水爭奇處人  
是羲皇向上情大半漁樵爲世業無多雀鼠任鄉平武陵  
何用官經理不必桃源問政聲

差次蕪湖謁靈澤孫夫人祠

鮫室龍宮葬玉鳧漢家王氣日西徂峽雲直去猶通蜀江  
水橫流不向吳精衛何年填巨壑湘靈終古怨蒼梧永安  
宮在蠶叢外萬里關山得到無

張岳崧字子駿一字翰山定安人嘉慶己巳一甲三名

進士授編修歷官湖北布政使有筠心堂集

涿州早發

月華露葉望微茫馬色雞鳴破曉涼  
天上觚棱如夢遠故園風景與愁長  
招邀卻喜逢賢主謂家穉三茂才城市猶能說古  
皇南去關河多勝概慚無佳詠壯歸裝

早游寶月臺望七星巖

侵晨發城隈籃輿陟曾阜朝曦散鳥雀  
澹霞薄林藪依岡一再成俯池六九畝  
密林映石髮漸流澀溪口延臺循舊術  
矚壁削新剖阡旭蕩平曠巖雲鬱昏黝  
青碧嵌巉巖梵宇雜戶牖于外宮厓屢  
疊複駢指拇造物工雕鏤登臨得幽助  
歸途發遐心願從煙霞叟

溫泉

秦冢今何在唐宮蹟已虛玉池羞粉黛金盃出邱墟故事  
空千載清泉尙一渠振衣聊眺望山色又征車

漢延熹華山碑拓本次朱竹君先生韻爲梁茝林中

丞題

華碣巍巍並嶽峙赤文綠字難可磨坤維一震石夜走楮

本猶得供摩挲四明完幘幸披覽此本爲儀徵阮芸臺椒

華吟舫頻相過竹君先生齋名某與其長垣一紙入王邸

商邱陳伯恭先生藏如鼎峙足傳無訛書者蔡郭頗聚訟

長垣本後歸成邸徐記洪釋互切劖集靈望仙此所紀監掾市石何殊科遺

文祀志攷禱祭古物石鼓尊曰窠當時建武禮從省侯維

安國銘可哦二千石主是秩望壇場共肅陳舞歌歆芳禳

札民所悅吉祥擎斂仍駢羅豐碑特紀延熹歲京兆欽若

爰磨磋此碑焜赫照巖麓樵牧或被靈之訶宜峙萬古通  
沆瀣金天神宅居同那夫何陵谷祕奇迹變遷歲月如流  
波僅傳氈蠟自趙宋奚翅古樂聆雲和曾聞郭髯逮山史  
佐史裝製文無頗筭河主人號精博什襲寶笈森錢錢羽  
人古異出仙骨毛女婉孌迴霜娥蓮華十丈開玉井影落  
紙墨香痕多中丞嗜古富搜討對此據案欣摩摩千金市  
駿有奇癖傳觀眾口咸呵呵古色斑駁壓萬碣墨痕光澤  
煩千螺名花供養儼彝鼎祕文璀璨同斗蚪有明迄今盛  
款識國初諸老觀婆娑寶蘭堂增希世寶中丞得唐墨硯敘以名其堂  
恍憶登華披煙蘿觀碑何須匹馬駐移石奚用千牛馱點  
畫上追嶧山石波磔卑視虞家戈此本示我得古法如導  
星宿探黃河公攜此冊厯桂筦精氣遠耀光自他願公巨

筆摹百本南雲寄我情如何

王家相字宗旦號藝齋常熟人嘉慶己巳進士改庶吉

士授編修歷官河南南汝光道有茗香堂集

詩話藝齋初舉拔萃利爲蕭縣校官值大水被檄治賑有愛於民入諫垣江南大使議征漕加米疏陳十不可諍之議中輟尤傳誦於時

水車謠

乾隆乙巳夏天久不雨秧田厠水晝夜不止有老農爲余狀水車聲其始曰米有麥有聲尙舒也繼曰米無麥無聲漸促也後曰被當當去被當當力已疲而聲解也余聞而憫焉作水車謠

米有麥有門前桑棗槐榆柳齋錢買水牛收秬釀春酒南鄰杯盤邀社叟北鄰簫鼓迎新婦夜戶不開風大同餘一餘三復餘九米有麥有

米無麥無火雲日日燒肌膚燒肌膚汗全枯雨足瘦損何人扶一身屈曲如籬條此時勞苦不得舒他日官吏來催

租米無麥無

被當當被當當河枯田岸高於嶂三步四步五步車咿咿  
啞啞聲不暢一步車五人人各殊狀瓶中米麥久已空  
出無腰襦入無帳亦知性命懸須臾且向中田謀饁餉被  
當當被當當

對雨

不辨蒼茫霧與煙冥濛一氣蔽江天陰濃蜀郡童童樹潤  
入揚州下下田野色清當登麥後雨聲暢及插秧先卻宜  
小簾疎簾下爐篆無風自在眠

袁浦登舟

風柔水滑櫓聲輕人在江南畫裏行兩岸綠陰丹一葉果  
然雲樹盡多情

月色江光漫泝沿鄰舟何處撥鷗絃可憐暮雨瀟瀟夜不  
聽吳歌已一年

晚抵劉智廟

一角斜陽在酒旗馬因長路覺行遲雲光白到天垂處野  
色青如雨過時簫鼓東風人賽社臙脂北地客留詩潁川  
遺跡猶存否我欲披苔讀舊碑

黃安燾字凝輿號霽青嘉善人嘉慶己巳進士改庶吉  
士授編修歷官潮州知府有詩娛室詩集息耕草堂  
詩集

詩話凝輿初官高州未一載平獄以干計治潮嚴杜  
殺人代抵之風所至好扶植士類折獄時援經義不  
規規於成法作詩  
自遣問流率易

肅武親王墓大松歌

蒼蚪力拗干霄勢卻走橫枝塞空際驚濤傾瀉萬壑風濃  
蔭周遮百弓地梢長葉密骨幹重架木盤盤四圍捧白日  
陰森苔磴寒行人下馬神先竦一株最巨當墓門五株拱  
揖如弟昆冰霜不改古時色雨露自沐先朝恩九泉蟠曲  
根如鐵瓊珀斑斑凝汗血龍鱗怒裂蚪髯張想見當年態  
雄傑維王手挈千熊罷佐命入關開帝基埽除流寇奠秦  
蜀戰功赫奕垂豐碑箕尾歸天留毅魄宗盟世篤同磐石  
殯宮宰木鬱蔥蔥一派滋培關國脈

西山題名作

隸書道光八年十一月望日知潮州府  
事嘉善黃安溝嶺縣朱珍吳江潘眉甯

化伊念曾東游命  
弟若濟監工鐫石

自有此山有此石萬古無人留筆跡我曹乃欲記姓名應  
被山靈笑啞啞伊子躡屩汀州來非是尋常行路客過庭



墨妙擅八分不倩磨巖眞可惜解衣十丈繩梯登兔豪禿  
蘸墨幾升庚庚石理細熨帖雲煙吐納龍鸞騰萍蹤偶借  
墨緣結好事還憑後人說江流永奠民患消此日題名應  
不滅

時擬開  
薄江

### 黔山

黔山了無奇眾皺互高下亘古天西南難爲遠行者石棱  
橫鉤衣沙礫亂戛踝脫愁上竿魚蹶恐注坡馬如何五丁  
跡步步不相捨庶幾生我面開心待輪寫

馬尾一山落馬頭一山起山山不知名日月但如此幾年  
不見山初心見山喜入山轉厭山山靈詎蒙恥尋常屐齒  
間所見我過矣浪游無好山皮相無眞士

飛雲

洞名

與牟珠洞名奇幻兩擅勝偶因介通衢遂爾引游興

軒輿鎮闕駢詩什競持贈如彼入世人一例務圓應儻教  
鎖煙霞搜奇恐難罄安得謝客兒一一鑿荒磴

潮陽弔黃義士

義士江甯人習名家言明末幕游潮陽聞甲申國變投井中死今縣署廳

事後尙累存書笈閱一百八十餘年莫之敢移亦絕無朽蠹前人於墓所建祠屢著靈異道光庚寅春余讞獄至縣作四十字弔之

一介遠游士身亡國社墟旅魂三尺土遺跡幾箱書食祿  
生堪愧求仁死不虛至今蓮幕下香火佛龕如

杜薇之號浣花昆明人嘉慶己巳進士改庶吉士厯官  
榆林知府有浣花詩鈔

瑞虹舟中月夜聞雁

搖落湖天迴蒼茫白露秋西風吹斷雁斜月滿江樓客夢  
頻敲枕歸心不繫舟推篷一惆悵雲樹渺汀洲

齊彥槐字夢樹號梅麓婺源人嘉慶己巳進士改庶吉

士歷官蘇州同知有梅麓詩鈔

黃霽青曰梅麓詩原本風雅胎息於杜出入韓蘇撫時感事有爲而作者居多潘榕皋曰言情投贈諸作兼唐宋之長五古如論治議賑諸什可與左雄王昶奏疏並傳詩話梅麓學能致用詩多自道所得初宰金匱治賑有聲海運之行實所發端力排眾議卒底於成又通算學能造儀器集中衙齋書壁十六首剴切肫摯最爲時稱餘論事紀游之作皆洞達無不盡之言而不失格近體雅健絕去雕琢摹擬才力故自過人

淮上舟行

乳燕檣烏結陣飛蘆芽茭筍一時肥家鄉正作黃梅雨客  
子初更白葛衣敲枕夢隨流水遠過江山似故人稀蓬窗  
日夕渾無事捲起湘簾看落暉

京邸憶卿雲洞作

大道徑其上大川貫其中洞門高十丈跨水如長虹絕壁  
柏倒垂託根自鴻濛豈有雨露到萬古常青蔥人經亂流  
間小語鏗洪鐘似掌一片石寬可百餘弓名曰仙人田阡  
陌橫且縱仙人猶力耕我輩胡獨慵田盡得井穴燭之光  
熊熊深窈不可測或是蛟龍宮涉險生歸心西入出從東  
夕陽照湍瀨炯若金在鏐鐘乳類飛禽影動羣翻風此景  
別來久追寫不能工何當飲雲光一洗塵埃胸

梅龍抱孫歌

自然菴古梅二株天矯如龍嘉慶年間  
爲雷雨拔去其一株枯椿尙存旁茁孫

枝今裁拱把而屈曲槎牙殊有龍  
意張舸齋司馬屬作梅龍抱孫歌

江山靈氣無不鍾兩株天矯梅中龍故老相傳六朝物蚪  
枝壓倒黃山松尾凌青霄首潛硤翠蘚蒼苔作鱗甲空江  
浩淼一枝橫晴昊迷離萬花插江煙江雨日氤氲自然嘯

氣成香雲化作真龍飛不去破山出火雷公焚落角摧牙  
人盡惜焦山自此無顏色豈知根到九泉深地老天荒枯  
不得驂騑又生汗血駒龍種自與尋常殊海風吹長頭上  
角江月懸來領下珠商柏周槐嘗聽說關中有商柏抱周  
槐之樹最古胡雪  
蕉水部有  
詩紀之梅龍抱孫更奇絕左擎右攫走蛟螭可似當年  
意雄傑殘冬到山薤已含遲我一月花初酣梅乎梅乎故  
不凡爲祝焦仙彌勒好呵護使爾千古萬古魁江南

與述菴夜話

述菴爲故人吳學五之  
子學五名鯤通人也

握手語無盡不知星斗闌文章悲故友山水憶新安母老  
吾何適家貧爾亦難荆南一杯酒珍重話爲官

宋祥符封焦隱士墨敕

藏石  
肯堂

不受當時詔何勞後世封仙蹤久已寂帝夢適然逢黃紙

花文古丹鑪藥氣濃猶嫌大夫號唐突泰山松

棧道巖觀米海岳吳雲壑陸放翁題名

名題山石徧兩宋識三人詩老愁無限書家意最真松篁  
蜀棧雪煙兩楚江春我輩登臨處他時跡總陳

重過巖先生祠堂

寒瀧依舊送歸艫黃葉蕭蕭木又枯千古州爲高士有重  
來山識故人無客星自在雲臺沒漁火雖多釣石孤祠畔  
煙蘿聞我語一竿從此老江湖

燕子磯

翠壁丹巖兩翼開飛翔百尺有樓臺橫江一隻紅襟燕六  
代興亡盡見來

讀翼梅

開闢至今日六千有餘年七十者百人可見開闢前自從堯舜來聖作述者賢寥寥四千歲載籍如山淵書契溯結繩歲遠不過千此上更千歲已逮乾坤元盤古非一人九州有開先泰西與中華紀載略倣焉皇極經世書鑿空以言天曰元會運世人皆信其然豈有數萬載渺無一事傳荒荒復冥冥如夢如癡煙惟有開闢初天地相細縕凝之以爲岳融之以爲川人獸之胚胎草木之根原不知幾何時孕毓而陶甄若自開闢後斷無萬可言吾受子江子誦述成茲篇

四海共一海九州復九州日天一點內容此大地球中國此點中泰山其垓邱人於此點中廣野之蚍蜉蝸角國蠻觸征戰何時休蚊睫巢焦冥身家無盡謀嚙彼天上星大

包四部洲一星一世界數與恆沙侔不識一星中還有人  
物不此星距彼星難測道里修而強牽連之名曰箕斗牛  
又爲分野說下派燕秦周此理恐未然其說近謬悠王良  
一僕夫挾策青天頭世無楚靈均更與誰諮諏

李曾馥字次香號西峯孝感人嘉慶己巳進士官永豐  
知縣有六草軒集

白雲砦

頽垣低壓亂峯西曾此當年建義旗血性城池無版築糧  
鋤子弟盡熊羆秋風鐵馬聲何處夜月沙蟲影自悲猶有  
行間兵氣在一山草木到今疑

吳乙照字然青號子校海甯人嘉慶己巳進士官福山  
知縣有見山廬學吟藁



初至章次白西溪梅竹山莊

西溪十八里到處有兼葭客有此中住求之路轉賒適逢  
三畝宅疏竹夾梅花不向樵夫問門前綰釣艖

王綦字香甫號吾溪景州人嘉慶己巳進士官順天教  
授有吾溪詩鈔

靜海道中

驅車復西下渡口問雙塘空野餘秋潦荒城半夕陽人煙  
團白屋客飯煮黃粱前路堪投宿村醪醉幾觴

秋日書事

幾日東君別鶯花事已非燕先秋社去螢背夜鐙飛落拓  
安吾拙疏狂與世違柴門對溪水鷗鳥共忘機

張應昌字仲甫一字寄菴錢塘籍歸安人嘉慶庚午舉

人官內閣中書有壽彝堂詩集

詩話仲甫著述甚富年登大耋其春秋屬辭辨例編六十卷同治朝曾進呈有耆年好學甚屬可嘉之論所輯詩鐸二十六卷采有裨於吏治民風人心世教之作又正氣集若干卷則皆詠歌忠孝節義之事自題二詩特存之

自題國朝詩鐸

吾儒吐言辭於世期有濟豈徒累篇牘月露風雲字樂府  
愛香山陳事比賈誼詩史稱少陵三別與三吏文昌仲初  
傳歌行亦其類上德宣忠孝下情通諷刺間者足警戒言  
者無罪戾箴誦師矇職興觀懲勸義聖代求昌言交做勵  
圖治咨諏拾闕遺拜獻補偏敝惜哉充棟編紛若散珠碎  
不免聞見遺曷資韋絃佩披揀集眾益民生暨吏事以充  
銘座詞以爲采風備

白題國朝詩正氣集

忠孝節義事史傳志乘詳詠歎興感易重此歌詩章所以  
載筆者聯珠標羣芳英辭鼓正氣豈惟閨幽光往古難盡  
數斷自今虞唐醇化二百載盛碑碣祠坊但計歌詩篇萬  
首羅琳瑯所見擇尤雅闕者待補亡一讀一擊節其氣至  
大剛比日星河嶽如芝蘭鸞皇教庠塾婦孺播梵絃宮商  
油然孝弟生幡然頑懦良勝彼志傳文長吟沁肝腸願傳  
萬本讀振世扶綱常

吳懋情字澄觀號迴溪吳川人嘉慶庚午舉人官中書  
科中書有橫塘詩藁

和崑源弟仙奕亭懷古韻

竟不留殘譜當年此遇仙簾疏接山翠瓶汲動江煙歷劫

看柯柄飛空想石船也曾得丹訣擺落歎無緣

山居

家在藤厓石岫中四圍春色一山松買舟欲訪疑無路知在雲深第幾重

沈濤原名爾政字西雍一字季壽號匏廬嘉興人嘉慶庚午舉人歷官福建興泉永道有柴辟亭集

宗滌樓曰柴辟亭者漸水所東注越國之北塞匏廬先生褒詩成集因地名焉冥會元精網羅萬物孤標峻格陶範眾流其斂也如澄潭一碧隋嶺萬仞其縱也如羅馬大漠揚帆巨川其正也如佩玉曳裾雍容廟堂其奇也如驚雷圻土怒挺草

木誠足感泣鬼神震盪金石者矣

詩話西雍年十四受知於阮文達刻其文入詒經精舍集

內憐才此巨公幸附離龍傳姓氏未妨磨蝎陷星宮

微茫幾誤邯鄲錙磊落還箋爾雅蟲漸愧欄衫馬前

拜荷衣總角舊終童又從段金沙治經學金沙爲作

十經堂記稱其於訓詁名物制度民情物理研之深

矣歷官畿輔數郡搜考金石流連觴詠同時與陶岳  
蘇分主壇坫文士多歸之其詩少作幽奇哀豔中年  
後多詠古之作才鋒駿發跌宕波瀾不落考據詩窠  
日所著常山金石志及文集筆記詩話諸書並稱駁  
洽

### 黃金臺

燕昭築高臺禮士自隗始結交須黃金士也乃如此劇辛  
樂毅攬金來大風東海生塵埃黃金用盡將印奪紛紛北  
走邯鄲臺阿孫馬角抱餘懷思報深讐結神勇可惜荆卿  
劍術疎抵鼃空費盤金捧易水蕭蕭督亢陂頭顱萬里行  
關西家風好士竟安用但聞白頭老鴉臺上嘯

趙飛燕玉印歌爲文後山上舍

鼎

作

文曰婕妤妾趙

僕題跋指爲飛燕印按漢有三趙婕妤趙后昭儀

皆居此秩其一卽鉤弋夫人也印今爲文氏停雲

館所藏

赤帝死灰然不得雉雉翔空燕飛入山河玉碎不復全此  
印千秋尙堪識吾聞漢宮婕妤秩上卿趙家姊妹誇傾城  
手持人主嬰兒似一握摩挲想更輕綠綈方底盛以進猶  
疑封藥中丞印禍水初消瑩碧浮唾痕曾染紺華暈又聞  
河間姹女拳夫人婕妤氏亦天水分昭陽鉤弋竟誰主石  
縱能言玉不聞我語主人急韞櫝漢銅易見難得玉莫似  
當時老寡婦握璽不牢崩厥角

### 淮陰釣臺

古今落落三釣臺釣名釣國臺上來韓侯爾亦何爲者可  
憐王孫窮餓誰相哀羊裘不著鷹揚復開竹竿嫋嫋揭旗  
起赤幟一立邯鄲摧臺邊學得背水陣孫吳死法甯中裁  
噲等碌碌非吾儕販繒屠狗兼椎埋渭濱淮水兩千古英

風令我長徘徊劉季鼻大多雄猜單父野雞搆禍胎假王  
爲餌死不悟何如一星長客江之涯蕭相非憐國士才卻  
附呂后成其災當時大將壇何在但見荒臺突兀起草萊  
水繪園弔冒巢民先生

鉤黨東京籍琴樽北海賓清流幾公子白髮老遺民一代  
吟詩社千金結客身我懷不可見寒日下荆榛

趙松雪硯

銘曰不雕不琢乃存其樸篆書款署子昂  
二字背銘曰人亦巧我亦拙少鋒鏑耐歲  
月行書款署其年二字蓋松雪齋中舊  
物後爲迦陵所得也今藏小敷山館

白雁渡江空啄矢大宋王孫作承旨全家吹落北風中割  
取南天片雲紫可憐不識玉帶生亦未卜卦來橋亭天然  
至寶謝雕琢鷗波洗濯留餘腥蓮花莊冷紅香死淚滴蟾  
蜍瀉鉛水物失所主二百年流落還歸黨人子黨人之子

湖海士避地相攜只君是銅絃一唱天爲驚萬點墨花飛  
不起昔日仲姬捧後此雲郎擎石雖不言如有情篆銘凡  
八言草銘十二字筆所不到想其意樸未能完拙不藏毋  
亦蒼茫感身世吁嗟乎趙家乾淨一片石大都縉塵汗顏  
色庚申甲申運何極劫燼餘灰此頑魄瞪爾鸛鵒雙眼睛  
閱盡滄桑幾家國

賈閬仙墓

癖嗜我何甚瘦吟君獨能並時一寒尉別派九枯僧下馬  
人三拜穿雲路幾層荒原冥漠客誰與爾傳鐙

謁家忠愍公祠

貢市紛紛乞罷兵憂危竑議到儒生萬言封事批鱗切一  
賦籌邊走馬成忠憤豈應論左道英靈猶欲請長纓白蓮



風定餘霞散來奠椒漿雪涕橫

卑耳谿

寒溪繞山曲載雪理短榜一泓空水鮮終古夕陽映傳聞  
齊小白弭節此發令引滿欲援弓涉淺未沒脛太公昔表  
海賜履戒兼并墨胎祀忽諸夫豈先王命奈何勤遠略不  
務德修行將無俞兒神現像以示儆右袂走馬前直以迴  
馭請元祖見角端耶律論乃正仲父侈諛詞阿順得毋佞  
古欺受千載茲覆發誰聽王霸幾戰爭山水仍綠淨吾意  
澹忘言溪流與無競

題樹廬老人文集

南昌彭士望號躬菴國初布衣工古文爲易堂九子之一少時任俠

尙氣曾脫黃石齋先生於難甲乙之際嘗依袁繼成史可法復參清江楊文正公戎幕巖州失守後折節讀書晚入程山講學以終有樹廬文集行世

鉤黨何人出范滂遺民汐社亦滄桑義熙甲子題猶恨德  
祐庚申紀獨詳生祭有文留幕府死綏無地效疆場一腔  
熱血憑何灑漫說程山與易堂

吳越寶正四年碑歌爲六舟上人

達受作文曰寶正四年七月

錢氏作凡九字

古甌一片光黝黑云是婆留舊搏埴若非碧波亭畔遺卽  
應黃妃塔邊得寶正紀年方四祀不比乾甯歲丁巳豈有  
工名勒蜀師依然國姓留錢氏亦稱帝制亦改元猶說開  
門節度使定論千秋屬後人鄱陽隨筆廬陵史錢王本是  
英雄流保障東南十四洲玉帶錦衣榮故里詔書冊券起  
三樓當年土木窮金碧祇今荒隴埋瓴甃壞薛猶疑陌上  
花落星難問山頭石達公達公今貫休獨攜瓶鉢天涯游

摩挲古物不忍釋寶此奚啻琅玕球土納尙餘殘劫燼瓦  
全終勝缺金甌磨來作鏡煩詩答此甄今亦歸詩衲爲語  
方泉白石生且休速禮金塗塔

周至伯劍

劍得之甘泉謝君佩禾以周尺度之長二尺稍弱莖長五寸身長一尺四寸七分臘

廣二字有半強考古工記所謂下制也劍身近首處款二字曰望白望字篆法近敬敦銘白古伯字古劍如韓之合伯鄧師吳之干將莫邪皆鑄劍人名此至伯亦當時劍師之名或曰伯古霸字古劍銘多取吉語陶宏景刀劍錄後漢光武未貴時在南陽鄧水中得一劍文曰秀霸此云至霸亦其例也然古者物勒工名自當以人名爲近

陸離古劍二尺長屈曲繞指如魚腸酒酣斫地吹一呖至  
伯二字銘其旁吾聞伯者爲明白土花繡蝕猶可識蜚景  
難藏匣內光勒名莫認眉間赤或云伯霸古字通南陽秀  
霸將毋同隱居舊錄吾無取鄧師合伯皆神工此真桃氏

之下制滿堂賓客歎不置不數當年北海孫錯金書辨延陵字謝君彈鋏來與俱千金脫贈歸匏廬胸中絕少不平事引杯獨把何爲乎星眸截寸空射斗佩犢吾愧渤海守飛揚醉爾一杯酒

劍神名飛揚見龍魚河圖

不須常作蛟龍吼

張心淵字達泉嘉善人嘉慶庚午舉人歷官邳州知州有脈望齋詩藁

### 王營早發

纔上公車對早暉  
淡晴天氣曉光微  
客中愁思眞如病  
夢裏鄉關不當歸  
絡繹輪蹄蹂岸雪  
飄零星月掩林霏  
山程水驛終朝歷  
望望村莊叩板扉

### 橫山嶺

木葉辭秋林林疏瘦  
山骨寒蟬發秋吟  
聲聲戛清越寂然

登高峯遐情不可遏夕陽照歸禽樵響眾山答

松陵夜坐

老翁泣相對最苦是農夫况遇經年歉能藏斗米無耕牛  
僨客僨嬌女抵官租眼看春荒滿秋收是後圖

橫塘曲

妾家生小住橫塘柳映茅檐竹靠牆郎若船來輕蕩槳水  
邊時宿兩鴛鴦

顧翰字木天號兼塘無錫人嘉慶庚午舉人官宣城知

縣有拜石山房集

詩話兼塘與從弟蘭厓甥並有才名詩劉澣渾脫一  
氣盤旋無碍摺餽餉之習尤工倚聲謹守白石玉田  
範

閒居

寂寂簾垂地新愁兩鬢知春寒多釀病暮雨不宜詩鑑愛  
香存性瓶憐花折枝關心看螭子屏角有蟲絲

舟次丹陽

不須悲遠別風好挂帆行山色青將斷江潮白漸生荒煙  
葛洪井落日呂蒙城泚筆書游記離家第二程

曉發王家營

郎當郎當聽鈴馱前者唱于後者和出門曉月白漲天片  
片霜華如雪大敝裘一領薄於紙有似窗楞風刮破已恨  
無絲自纏縛還愁作米供顛簸戍樓宿火明瓦鐙餅肆溼  
煙生土銼卻憶向時真懶惰花影半牀人尙卧醒來敲枕  
睡昵書婦子晨炊煮香糯我家雖無田負郭草草離家計  
眞左儻云奔走爲飢驅逆旅何嘗少寒餓

渡江口占

佛狸城外雨絲絲  
正值寒潮欲上時  
愁殺蓬窗倦游客  
敲帆重寫渡江詩

浮玉山高木葉稀  
南田畫本見依稀  
舟中不合回頭望  
如此茫茫一雁飛

由竹徑入韞光寺

連峰青巘屹一徑  
闢靈異我疑混沌初  
別有竹天地窈窕入  
寺門淨土空香閣涼  
暄墮叢碧粉節戛陰  
翳拂雲踰萬个石壁  
颭蒼尾鮮淚紅斑斑  
兕角青嶷嶷老根宅  
花颯籬篁嘯蒼雌咽  
露仙蜩清餐煙佛禽  
醉解簪蛻輕衣折篠  
發遙吹禪寮有餘清  
卉木絕浮媚石墨色  
更妍琢句寫肌翠夕  
陽向暝沈幽龕鎖深  
邃翛翛響靈籟覩客  
睽秋魅

京水驛題壁

又作天涯別驅車向北行  
牽衣兒女累對榻弟兄情  
古樹侵煙直危隄接浪平  
拂塵題野店字小恨分明

重九日阻風京口

寒濤一夜來廣陵望江樓  
外波層層曉看失卻瓜步雨  
絲織作千魚罾金山濛濛化空翠  
一塔煙際浮觚棱沙頭老樹高百尺  
嫋嫋忽若風中藤我舟欲渡不得渡  
如鳥折翼思騫騰江豚得意頗軒怪  
肩背突出冀可乘心知此夕是重九  
眼有高處誰能登石尤定厭往來數  
中道阻絕聊取憎只今健在儘何益  
滿頭華髮愁鬚髻拾來肥蟹乏錢買  
暫守殺戒同枯僧謬傳京口酒可飲  
直疑辨水嘗淄澠催租喜乏俗吏擾  
詩成急向蓬窗牋



偕伯夔登涿州城樓

夕陽半明射城堞四月打頭飛木葉出門蠟屐無好山差  
喜危樓高百級繞城三尺沙沒濠欲與廢壘爭低高其間  
草木亦蕭瑟大抵苦竹兼黃蒿城中廬舍同櫛比多少人  
家炊煙裏長風浩浩吹市聲雞犬翻疑在天際城邊過客  
未卸裝尙聞鈴馱鳴郎當鴉羣頭上若過雨歸鳥更比征  
人忙莫言王粲依劉久難得天涯逢好友遠游萬里縱飄  
零更上一層須抖擻年來頗覺心膽麤雲山遮眼愁模糊  
明當與子臻絕頂俯看健鶻盤浮圖

張深字叔淵號茶農又號退聽丹徒人嘉慶庚午舉人  
官博平知縣有悔昨齋詩錄

朝天宮

冶城山勢碧岩堯樹影雲陰闕寂寥三殿鼓鐘閒白晝萬  
靈幢節集清宵更無安石杯堪共若有浮邱袖可招咫尺  
鈞天張樂地後湖風雨夜蕭蕭

懋題山石經洞

一洞倒挂霜折蓮一洞側出洪鐘眠俗衲窈窕莫可狀更  
有六洞嵌其巔就中洞下復爲洞浩浩萬劫通雲煙有隋  
靜老亦好事牢置關鎖加鉤鍵名山靈秀氣忽閉寶藏未  
識開何年令人可想不可見有若忉利純金天松陰亭亭  
日傍午風來隔澗傳樵語照人苔蘚鬚眉青石旣陸離客  
亦古披蘿翦棘窺巖戶颺颺驚竄蝙蝠舞天光透處字隱  
隱波折依稀半歐褚嗚呼至寶祕空谷奚異結緣薶沙土  
雲居自是貞觀剎燿燦岩堯宏殿宇胡不出之甃廊壁我

與山僧快先觀未知守者誰其主砮轟欲借雷公斧

石井行

梯崖陡絕攀校層去天一握疑可登神龍觸石石中裂直  
下萬仞深冥冥蒼鱗得徑歸重溟殘煙剩雨嬾復升瑩晶  
石髓同醞釀留此德水施高僧高僧飛錫覬摩城恐迷智  
火遺元鑑金壺汁盡井華繼歷年書勒西來經迄今洞祕  
鐵石扁法乘呵護嚴山靈雷音往往動深夜此下不少潛  
蚪聽有時滃鬱寒雲興氣逼太古莓苔青黝然深黑若有  
物照影莫見神爲驚一語未畢一語磨清音琅琅如斫冰  
會逢金仙發砂窖疑是玉女敲銅瓶或言烏山井底揚吳  
胎竹山有穴通孤星大地具可人力破鑿者安知非五丁  
軒轅九井天自生刺指亦屬眞仙成靈異未可常理測古

跡難以空言爭陰陰危壁垂寒藤重來腰腳力尙能好攜  
琉璃黃竹簟踞此六月消炎蒸

騙馬行

傾杯一曲勤政樓四百馬舞金鈴秋名駒僅充木牀玩壯  
士亦抱鹽車愁我朝練馬馬日騙勇技靈隨馬勢變人如  
鳥隼馬如龍骨騰肉飛堪百戰雲陰漠漠平沙開健兒三  
五躡柳來短衣窄袖氣精緊色目迭出矜奇佻一人反引  
如猿狖一人側起蒼鷹驟一人側立足穿花倏忽鬚前倏  
尾後倏然馬腹小可藏筋斗一落千丈強全身離鞍腳出  
鐙欲起不起歌伊涼陰陽兩手疾於磨電在飛仙膊下過  
挑抽鑿剗託弔翦七字皆干技步法見劍經鞍背從容任掀簸有時對  
面兩騎驅交臂暗度馬不知有時連環入蹶騁左超右踔

無停時馬乎豈竟解人意馬亦隨人作遊戲伎完人馬兩  
從容汗喘俱無神采異漫誇曲踊踰三駝迅捷輕趨未足  
多千秋萬歲奉天子信是京營曳落河

代州

白草黃沙一望遙近城村落亦寥寥滹沱入夜冰常合句  
注終年雪不消邊地食惟先湏酪深秋衣已薄獬貂淒涼  
土屋寒鐙外鬢栗停吹又聽鏐

滄州

衛水奔流繞郭渾綿綿古道向津門馬前殘燒何王冢雁  
外孤煙近海村滄酒三年經再把鐵獅百戰不雙存此間  
舊有開元寺獨立摩挲夕照痕

獅舊有二高長二丈餘作四足立勢今已仆一零鐵

橫斜土人禁不敢動

蔡聘珍字笛椽蕭山人嘉慶庚午舉人官湖北長樂知

縣有小詩航詩鈔

詩話笛椽長於箋奏並好爲詩與族弟逸唱和往來  
逸謂其詩不名一格而清雄奔放自暢天倪韻逸藻  
翔興寄側遠往往有錢仲文范致能風致

西竺巷春夜同任遠白孝廉載

心事傷春暮鄉愁擁絮眠月明千里夢梵唱五更天脫劍  
酬知己拈花誤少年明朝當別去檢點酒家錢

孔昭焜字堇生曲阜人嘉慶庚午舉人官開縣知縣有  
利于不息齋集

自草涼驛至鳳縣

仰陟萬山巔俯躡絕澗底磊磊山上松灕灕澗中水山重  
水更複登降良無已茅屋有愚公掬水茹松子愚者不物

役爾智物役爾

陳均字受笙海甯人嘉慶庚午舉人教習知縣有松籟

閣詩集

康對山故里

不避貂璫竟獨行  
故人情重一官輕  
膺滂苦自爭門戶  
穠呂真能共死生  
千里關河迷錦巷  
十年絲竹老蕪城  
平生長物惟腰鼓  
好著岑牟奏幾聲

强溱字東淵號沛崖溧陽人嘉慶庚午舉人官宣城教

諭有佩雅堂詩鈔

詩話沛崖粹於經學著有易象膚說十卷詩義質疑三十卷經雜考四卷操觚漫錄史緒等書經生之詩固不必論其工拙也

京邸冬夜口占

鯨禪偈仄笑平生土銼寒鐙一點明多少乞憐昏夜裏此時不住馬蹏聲

鄭璜字元吉號瘦山吳江人嘉慶庚午舉人候選訓導有海紅華館詩鈔

彭城秋感

形勢彭門亦壯哉劉顛項蹶總秦灰交流汴泗迷城角如此河山閱霸才古道斜通蕭子國野花開上楚王臺我來大有登臨感送盡殘陽獨自回

今古河流幾變遷防秋有策抵防邊終教淮泗全歸海莫放魚龍便上天莽莽叢鄉聞鬼哭荒荒水氣雜人煙黃樓一角留蘇績猶想秦郎作賦年

錢忠介公海天浴日研



恩恩小劫紅羊過此一片石常不磨草堂出示爲太息凜  
然正氣留山河當時河山紛破碎一髮其柰千鈞何六狂  
生後存碩果惟公激烈功最多可憐海上作天子孤舟險  
觸蛟鼉渦十亡十弊書數上方王傾軋遭譏訶軍中羽檄  
倚此研定知一日三摩挲鶚之鵠之雙淚眼孤臣相對同  
滂沱海天浴日寓深意此意千載矢靡佗精誠所感神示  
夢手扶日上柰已燧明知一旅勢難濟妄思揮此回天戈  
琅江致命事倉猝研乎危不沈鯨波滄桑雖變物無恙背  
面滑潤無側頗石果能言石應喜暗中自有神靈呵君不  
見玉帶生與橋亭研傳觀異代猶悲歌

與潘壽生話舊

客中誰與慰羈孤喜得高陽舊酒徒一輩俊才仍濩落十

年相見總江湖略驚鯪頰顏非昔爲閱崎嶇膽漸麤各有  
故園三畝在萼鱸香裏得歸無

鄧顯鶴字子立號湘皋新化人嘉慶庚午舉人有南村  
草堂詩鈔

詩話湘皋極重鄉州文獻資江沅湘兩集楚  
南耆舊甄採略備詩尙峭拔生澀時出警語

過襄陽書寄家遯溪丈

終古滄桑幾劫灰行人過此一徘徊依然漢水浮天去不  
見龐公上冢回荆楚歲時思續記襄陽耆舊有餘哀我來  
欲伴鹿門隱莽莽平蕪但草萊

趙北口早發

咻喔雞聲遠郎當鐸語忙征人影在水殘月白於霜犬吠  
漁村火風吹蟹舍香酒旗搖樹杪隱約似瀟湘

以耳集言圖卷一 下 一一一  
登天津城樓書寄譚吾肩晏湘門兩孝廉

笙歌聲裏駐行舟  
丁字沽前暮靄收  
兩岸人家多在水  
一天煙月正登樓  
遠帆歷歷津門樹  
平渚昏昏海國秋  
爲報周南留滯客  
無心我已學閒鷗

泊金陵

一葉蒲帆指石城  
暮雲無際與天平  
秋生澤國難爲客  
山到秦淮便有情  
終古興亡柰何帝  
過江風味可憐生  
傷心嗚咽寒潮水  
消盡華年是此聲

皖江送石甫北上

君官入閩我客粵  
南海東海中隔絕  
同心天遣一相逢  
可惜逢時是離別  
離懷黯黯沉九秋  
愁霖三日爲句留  
丈夫不灑別離淚  
對子不覺先傾瓠  
北風獵獵寒肌砭  
黃河濁

浪連天卷東南方自亟才用富貴逼人知不免語君且莫  
愁顛路如爾人才豈易得眉間黃氣正飛揚男兒未可輕  
量測皖公山下一尊酒驪唱在門鞭在手野夫獨坐聽晨  
雞隔旦江頭莫回首

李福字備之號子仙吳縣人嘉慶庚午舉人有花嶼讀  
書堂詩鈔

古琴

大雅淪亡後摩挲百衲琴會充君子御能寫古人心元酒  
豈無味鳴箏空好音廣陵嗟寡和爲汝發清吟

白燕

望斷天邊玉女扉冰魂斜度認依稀空留素影參差舞不  
傍朱門上下飛社酒春寒晴翦雪梨花香散雨沾衣紛紛

京洛縉塵夢讓爾滄江獨自歸

王毓麟字匏生昆明人嘉慶庚午舉人有藍尾軒詩鈔  
夜至山寺

前溪見明月正照溪上峯一路踏松影半山聞夜鐘雲深  
尋老衲露重溼孤筇回首下方路暮煙深幾重

顏斯總字詒銓號君猷南海人嘉慶庚午舉人有聽秋  
草堂詩鈔

移居光孝寺寄陳仲卿

久將雲水擬行蹤小住招提百慮空長物尙餘黃卷在生  
涯依舊短檠中神仙字已三番食彌勒龕眞此日同忽憶  
仲翔知己語思君迢遞遣詩筒

清遠舟中

起望遙天半蔚藍離愁如草不勝芟夕陽殘後猶隨柁春  
水高時欲上帆路近好山勞應接身從人海悟仙凡同袍  
惜別殷勤甚舊酒痕今在故衫

湘江夜泛偶作

湘水無波鏡面平卧聽柔櫓夢難成多情只有娟娟月照  
著天涯分外明

王懷孟字小雲大竹人嘉慶庚午舉人

野望

萬里動秋色三湘愁遠吟湖雲高不散江水自來深霜冷  
孤村樹月明何處砧寒衣誰可寄惆悵到如今

厲同勳字冠卿號茶心儀徵人嘉慶庚午副貢歷官廉  
州知府有厲廉州詩集

詩話茶心詩初刻五種題還珠堂詩鈔重刻七種稱  
厲廉州集監利龔庶常紹仁與茶心猶子恩官同入  
詞館重刻本每篇加評語題後詩前  
輒署說曰云云自來詩集所未有也

### 絮影

記得銷魂在酒邊浮踪不信又今年忽看陌上春如許便  
覺天涯碧可憐簾捲欲迷初上月樓高猶認舊時煙幾番  
誤入紅塵裏相對東風更惘然

### 大水行

六月三日潮接天江水入河河入田農夫一片哭聲起可  
憐辛苦今盡捐上田下田深數尺水勢直與官河連老翁  
登牀急小婦抱兒泣雞犬屋上嘯馬牛豕邊立哀疾走  
鳴縣官萬竈炊煙忽無色縣官爲申文上達大府聞一日  
委員十數輩江南江北何紛紛勘災來小民喜官無言災

已矣官來豈不恤民艱直陳恐失大府指嗚呼勘災災不成縣官在旁徒吞聲沿江一千里民恨不欲生送官走且訴聽者難爲情聞說今年仍索租流離之民胡爲乎民何辜天不可呼況復東竄西走兒寒女飢之窮途吁嗟乎縣官不能主吾民毋怨苦猶幸父母慈情俸先分汝朝給餅暮給錢民之顛連或可補賢乎賢乎吾明府

### 後大水行

南風連天吹不止雨急翻江潮頭起村村打鼓防水來城外忽添三尺水水洶洶哀吾農高田束手已無策須臾又作蛟龍宮我來城邊望四野陰淒淒羣呼走登屋屋倒不可棲殘陽一角悲秋草白骨千年終不保有家還比無家愁有田轉羨無田好吁嗟乎此日之災更切膚民隱不達



將潰疽縣官恐蹌跟趨請蠲議賑語郡守郡守不問民其  
魚越日郡守來云是親勘災茫茫大水不得進高田低田  
安在哉君不見大江邊慘呼天棄兒爲蛇食賣兒不值錢  
挈老攜幼餓且死十里五里無人煙生年三十五讀書亦  
何補況今手無尺寸柄未得與爾訴冤苦側聞災簿上有  
司見之忍使終流離民兮民兮聽吾語聖朝寬大爾所知

爬沙曲

昨離句漏山今仍山下住河乾無水舟不前云是方行十  
里路塔高何矗矗兩日猶在目送盡行路人使我心轉軸  
朝爬沙暮爬沙舟子持杷泣且語可憐辛苦不還家聞汝  
言意懷然同爲飄泊東西客相邀舉酒呼青天問天天不  
管那更論長短不如一曲雍門彈千古英雄盡腸斷

蠡退

蠡退悠然任瘴雲驚濤何事測紛紛無才敢作懷沙賦有恨猶遲誓墓文空抱羽毛憐孔雀亦知唇吻感秋蚊誰將一寸蓮花燭長照茫茫碧海氛

嘉魚縣

帆疾江城縹緲間夕陽不見蘄公還蘭成詞賦鄉心切靈鞠才華仕路艱生活酒難消雨雪寂寥詩可畫關山七星巖下重回首曾買嘉魚一破慳

馮相芬字石農天津人嘉慶庚午副貢有南游草

次仲興

蘆葦爲牆麥蓋棚風來四壁盡爭鳴民多菜色逢荒歲縣號桃源負美名繞屋亂墳人鬼聚噪檐凍雀雪霜清行來

此地逾旬日總是黃河送客程

舟中雜詠

傍水人家竹作籬波平風軟放舟遲江南殘臘猶如此想  
到桃花夾岸時

晚晴簃詩匯卷一百二十一終